

新鑄古今事物原始全書

新鐫古今事物原始全書卷之二十一

臨安徐炬明夫采輯

仁和張煥仲明校

冠子

古者衣毛帽皮黃帝制為冠冕而婦人首飾無文至周時不過副笄而已漢時宮掖承恩者始賜以或碧或緋芙蓉冠子按崔豹古今注曰魏文帝有絕寵四人莫瑋制蟬髮縹緲如蟬翼段巧笑始錦衣絲履作紫粉拂面陳尚衣能歌舞薛夜來善為衣裳一時冠絕

首飾

實錄曰燧人氏嬪人始束髮為髻舜加以首飾文王又加翠翹步搖也

釵釵

二儀實錄曰燧人氏制釵之始堯時以銅舜時雜以象牙玳瑁為之郭憲洞真記曰漢武帝元景元年有神女留玉釵與帝以賜後宮皆倣其像此玉釵之始

釧

風俗通曰釧臂環也漢孫程十九人立順帝有功各賜金釧指環則釧始于漢即今嬪女之臂鐲一名睡

脫齊東昏潘妃有琥珀釧值價十萬宋王元象好發塚有一塚每遇日初出見一女子立塚上近視則亡發之見一女年可二十卧而言曰我東海王家女應生資財相奉慎勿見害女臂有玉釧斷而取之女復死

簪 簪

古今注曰女媧氏之女始以荊及竹作簪以貫髮堯以銅舜以象牙及玳瑁為之西京雜記云漢武帝遇李夫人就取玉簪搔頭自是後宮皆用玉搔頭焉

梳 篦

實錄曰赫胥氏造梳以木為之二十四齒取疏通之
義說文云櫛梳枇總名也釋文曰梳言其齒疏也枇
言其細相比也禮男女不同巾櫛是枇因梳而制也
今作篦

指環

春秋繁露曰紂刑鬼侯取其指環五經要曰古者后
妃群妾所當御者以銀環進之娠則以金環退之進
者右手著之退者左手著之今女子之戒指是也

纓絡

說文云頰女頸飾也觀世音普門品經曰無盡意菩

薩即解頸衆宝珠纓絡價值百千兩金而以與之

鉛粉

墨子曰禹作粉張華博物志曰紂燒鉛作粉謂之胡粉趙后外傳漢婕妤好有露華百英之粉

輕粉

實錄曰蕭史與秦穆鍊飛雲丹第一轉與弄玉塗之此其始也

燕脂

古今注曰燕脂之草出自西方葉似紫蘇花如茜土人染粉以為嬾人面色故名燕脂後人效之以紅花

染絳為之非彼之草染者始皇宮中悉用紅妝疑是
秦始

粧靨

晉世嬪人喜作粧靨如月形如錢樣唐時亦尚之近
代嬪人亦喜作粧靨或以朱及胭脂點者

花鈿

酉陽雜俎曰吳孫和舞鉄如意為戲傷鄧夫人之頰
醫人以白獺髓合琥珀為膏傳之后有一痕如紫痣
愈加妍美宮人作金錢或翠鈿自鬢上下垂至頰以
效鄧夫人紫痕之妍鈿又去声或作璫山谷鷄冠花

詩紫冠黃鈿網絲窠

紅妝

周文王時女人始傳鉛粉秦始皇宮中悉用紅妝周
時禁天下婦人不得用粉黛皆黃眉墨妝梁冀傳孫
壽美而善為疾態作愁眉啼妝墮馬髻折腰步齟齬
笑號啼妝天宝遺事云嬪妃施粉于兩頰號淚妝趙
飛燕之妹趙合德略施小脂號慵來粧蜀後主宮女
酣則同輦免冠而坐號醉妝美人面既傳粉復以胭
脂調均施之兩頰濃者號酒暈妝淺者為桃花妝薄
薄搽脂後以粉罩之號飛霞妝梁簡文詩分粧間淺

屬統臉傳斜紅蓋斜紅統臉乃古妝也宋武帝宮人效壽陽公主之梅花妝隋文帝宮中紅妝謂之桃花面白樂天時世歌云時世妝出自宮中傳四方

黛眉

漢時給宮人螺子黛畫翠眉隋煬帝宮女爭畫長蛾眉司官日給螺子黛五斛號蛾子綠眉楚辭云蛾眉曼綠曹元寵夜歸曲云吳妝秀色橫眉綠則隋時之綠眉乃效古耳周禁天下皆不得粉黛皆黃眉墨妝曹子建賦云玄眉弛弓鉛華落即墨眉也周靜帝令宮人黃眉黑妝疑即今以杉木炭研末抹額乃其遺

倍也盧照鄰詩云纖纖初月上鴉黃又云鴉黃粉白
車中出司馬樵詩梅粉粧成半額黃蓋黃眉始于周
漢仍之而周靜帝時亦仿之也然眉之名不一有開
元御愛眉遠山眉小山眉五岳眉新月眉垂珠眉分
指眉涵烟眉即今八字眉楊柳眉又有眉間俏即古
之面花也蓋起于上官照容飾之以掩黥迹者或曰
壽陽公主落梅花之事或曰孫和鄧夫人粧懶隨之
遺或貼花或點朱今時以翠羽為珠鳳梅花樓臺之
狀小巧精妙間于眉心益加妍麗故謂之眉間俏王
京記云卓文君眉不加黛望如遠山趙合德為薄眉

號遠山黛注云黛者乃畫眉墨也似空青粉白而黛
綠今廣東始興縣出石墨嬾人取以畫眉名曰畫眉
石詩云螭首蛾眉注云螭乃蟪螭之小而綠色者則
周時亦有綠眉矣

髻

燧人氏始為髻但以髮相纏而無物纏繫至女媧氏
始作簪以貫髮以羊毛為繩以繫之名曰頭繩後世
以五綵色絲易之炙轂子曰周文王時名鳳髻始皇
名望仙髻漢時有迎春髻芙蓉髻隋名九真髻唐名
平蕃髻長樂髻又作偏髻子俱出炙轂子孫壽為墮

馬髻疑即今名懶梳妝梁周弘為錦絞髻趙合德乃
飛燕妹姊妹皆絕色召入宮新沐沉水香為卷髮號
新與髻出趙后外傳唐制云唐末嬪人作虵家髻出
唐志孟光為椎髻

假髮

婦人寡髮假人之髮以為已髮名曰假髮詩云鬢髮
如雲不鬢也朱子註云鬢黑也如雲言多而美也
屑索也鬢者髮鬢也人少髮則以鬢益之言髮自美
則不必假人之髮而為鬢也然則三代時已有之晉
大和中陶侃母截髮得雙髮易饌以延客後世愈多

今婦女悉戴之

事物原始卷二十一終

事物原始卷二十一終

新鐫儒林博采梨軒曼衍卷之二十二

臨安徐炬明夫采輯

圍棋本作碁

博物志曰堯作圍棋以教丹朱之始皮日休曰圍棋
初非人間之事始出于已邛之橘周穆王之墓繼出
于石室又見于商山乃仙家養性樂道之具造端始
于戰國之時若孫武鬼谷孫龐蘇張之輩各因戰鬪
之法顯名當時是其模範想像而記興于此云爾漢
班固有圍棋論張擬有棋經十三篇而爛柯經玄玄

經及近世奕譜選要其有大鉄綱小捲簾平関斜飛
大遊擊大壓梁鉄重関及侵分十八變其勢則有五
老拱太極十王走馬等勢不可勝紀其等着之神妙
非淺見薄識者所可窺測

象棋

太平御覽曰象棋乃周武帝所造有日月星辰之象
與今象棋不同按牛僧孺撰元怪録云唐肅宗宝曆
元年民人岑順于陝州呂氏故宅夜聞鼙鼓之聲介
冑人報曰金象將夜警也寤見鉄騎長數寸進曰天
馬斜飛度三強上将橫行擊四方輜重直入無迴角

六甲次第不乖行乃有一馬斜去三尺又有一步卒橫出一尺後車乃進已而於見處掘之乃古塚也前有金象局列馬滿枰其辭與勢即今世之象棋於周武帝所造不同而同名象戲又按劉向說苑云舜門周謂孟嘗君曰足下燕居聞象棋亦戰鬥之事乎然則象棋戰國時已有之矣又漢元帝為彈棋局方二尺中心高如覆孟今世無傳

牙牌

宋宣和二年置其疏奏曰謂觀民風而畱治故設牙牌三十有二扇共計二百二十七以按星宿布列之

位譬如天牌二扇二十四點象夫天之二十四氣地
牌二扇四點象天地之東南西北人牌二扇一十六
點象夫仁義禮智人性之剛發而為惻隱羞惡辭讓
是非和牌二扇八點象夫太和元氣流行于八節之
間其他牌名數合倫理庶物器用因此表上屹然貯
于御庫疑繁未行及至高宗仁明納諫聖意如式頒
行天下幽人士子樂聞智輸贏無非忠君孝親之
稱以習綱常倫理之正勸善懲惡類族辨物繼世傳
播其美

投壺

禮記投壺曰投壺之禮主人奉矢司射奉中使人執壺頸脩七寸腹脩五寸口徑二寸半容一斗五升壺中實小豆焉為其矢之躍而出也壺去席二矢半矢以柘或棘母去其皮而鼓節有櫓葬之異蓋自周始也左傳晉侯齊侯宴中行穆子相投壺之禮是也晉郭舍人以竹為矢始

鞦韆 鞦韆 鞦韆

古今藝術云鞦韆乃北方山戎之戲以習輕矯者按荆楚時記云春時懸長繩於高木士女衣綵服坐於其上而推引之名曰鞦韆漢武帝後庭有秋千之戲

見聞錄云北方寒食為鞦韆以習輕趨唐天寶中宮人呼為半仙之戲本曰千秋祝壽悞作秋千涅槃經曰名為胃索

傀儡

世傳傀儡起於漢高祖平城之圍冒頓之妻閼氏妬忌陳平計用刻木為美人立於城上閼氏恐冒頓納之遂退兵炬按漢高紀七年應邵曰平使畫工圖美人遣遺閼氏而無刻木事又按列子記云周穆王時有巧人名偃師能為木人作歌舞王與盛姬觀之舞罷木人瞬目以手招王之左右王怒欲殺偃師師悞

毀之皆丹墨膠漆之所為也此宜傀儡之始或曰今
時脚底抽綿俗名無綿傀儡是也秦漢時又有魚龍
曼衍之戲其事亦粗見唐李商隱宮詞曰不須看盡
魚龍戲終使君王怒偃師又按杜祐通典曰窟礪子
亦曰魁礪作偶人以戲善歌舞風俗通曰漢靈帝時
京師婚葬及嘉會皆作魁礪之戲梁敬樂亦有之齊
後主高緯尤甚好顏氏家訓曰古有禿人名郭好恢
諧戲謔今云傀儡郭郎有詩云鮑老當年笑郭郎笑
他舞袖大郎當若教鮑老當遊舞舞更郎當袖轉長

蹴鞠

劉向別錄云黃帝軍中之樂所以練武事也或曰起
於戰國時蹋鞠兵勢也炬按唐歸日安嘲皮日休云
八片尖斜砌作裘火中燂了水中揉一包閑氣如常
在惹踢招拳卒未休此可見其制矣日休亦嘲日安
云硬骨殘形知幾秋屍骸終是不風派頑皮死后鑽
拚遍都為平生不出頭二人皆嘲其姓也宋柳三復
云背裝花屈膝白打大廉斯進前行两步蹶後立多
時此可見其法矣今時小兒以鉛錫為錢裝以鷄羽
呼為箭子三四成群走踢有裏外廉拖錦簪膝突吐
佛頂珠剪刀拐之名色亦蹶鞠之遺事也

呼盧

古者烏曹氏作博以五木為子有梟盧雉犢為勝負之采晉劉毅樗蒲大擲數百萬餘人並黑犢惟毅得雉大喜繞床叫曰非不能盧不事此耳劉裕因援五木曰老兄試為卿荅既而四子俱黑一子轉躍未定裕厲聲喝之即成盧毅殊不快宋武帝與侍中顏師伯樗蒲帝得雉大悅師伯後得盧帝失色師伯遽飲手曰幾得盧慕容室與韓黃等燕因舉樗蒲誓曰若富貴可期須得三盧三擲俱盧室拜而受賜出雞跖集陶侃鎮荊州有談戲廢事者取樗博之具投之江

中曰樗蒲者牧猪奴戲耳注云樗蒲即双陸樗蒲經曰凡近閑及後一子為塹近閑及前一子為坑而塹非貴采不出凡一馬打一馬如遇退則一馬可啗三馬故世人譏不循理者謂之啗坑塹

博陸

劉存馮鑑事始曰博陸乃三國時曹植所製按孔子不有博奕者乎莊子博塞以游考之北史博陸出天竺國名為波羅塞戲然外国有戲久矣其流入中國自曹植始耳又按說文事知曰夏后氏之臣烏曹氏作博陸注云采名也以五木為子有梟盧雉犢為勝

負之采後曹植製雙陸局置骰子二杜詩云憑陵大
叫呼五白即博塞五木也

投子

點也骰

續事始曰曹子建製雙陸置投子二枚唐末有葉子
之戲不知是誰遂加至六按烏曹製陸博老子置樗
蒲投子乃曹植所造從么至六謂之投子取投擲之
義古今藝術云投子乃博陸采具也明皇與貴妃采
戰將比重四可轉敗為勝上擲而連呼叱之宛轉而
成重四上悅命高力士賜四緋之始

舞戲

趙飛燕身輕能為掌上舞李夫人本以娼進兄延年
侍上歌曰北方有佳人絕世而獨立一顧傾人城再
顧傾人國帝曰世豈有其人乎平陽主因言延年有
女弟召見實妙麗善舞筆談云寇萊公好柘枝舞必
盡日時一云柘枝本拓拔訛作柘枝錦城官妓名灼
灼善舞拓拔論語八佾舞八人為列是八八六十四
人也炬按詩云躡躡舞我書云舜干羽論語云樂則
韶舞三代之前已有之矣古之名娼善舞者名陽阿
淮南子云足蹀陽阿之舞楊再思為相阿合取容按
紫袍為高麗之舞舉動合節滿座鄙笑

影戲

談藪曰漢武帝夫人李氏死帝思之有齊人名少翁能致之夜設帳張燈燭帝坐他帳望之彷彿是夫人之像由是後世有影戲然漢武以下無聞宋仁宗時市人有能談三國事者或採其說又加緣飾作影人始為蜀魏吳三國戰爭之像傳至今焉

跳鬼

西京賦曰總會仙倡戲豹舞羆白虎鼓瑟蒼龍吹簫注云皆為虎豹之假頭也即今之鬼面其事始於周穆王時亦偃師制始也

鬪鷄 鬪本作鬪

左傳述李邱之鷄鬪李氏芥其羽邱氏為之金距列子曰紀省子為周宣養鬪雞之戲始漢食貨志云富人鬪雞走馬弋獵博戲犯法名曰株送徒入財者得補郎王燭寶典曰鄴中寒食城市各為鬪雞之戲

簷戲

烏曹氏作博謂博盡閑塞之道得周通之路行棊相塞曰塞即格五棊也簷有四來簷內四乘五是也至五即格不得行故謂之格五故曰中心不下馬即今之扶三頂五擦七駸八之棊也

彈碁

彈碁

西京雜記曰漢成帝好蹴鞠群臣曰此非至尊所宜
帝曰朕好之可擇似而不勞者奏之劉向作彈碁以
獻傳玄彈碁賦序曰漢成帝好蹴鞠勞勲非至尊所
宜劉向因而作彈碁之戲則起自漢代矣臨川王義
慶著世說以為彈碁始於魏宮裝奩之戲文帝於此
伎特妙用手巾角以拂碁客又能低頭以葛冠巾角
拂碁妙逾於帝今世尚或有其法而為之者少爾

賈鬼

世傳唐武后初有諫議大夫明崇儼能役鬼物其微

時人常與博凡擲投子必使鬼物持其彩應呼而成隨其所欲也後人因此為賈鬼之戲就中彩名其通天火通之類亦當時所役之物名也

合生

唐書武一平傳曰中宗宴兩儀殿胡人襪子何懿倡合生而歌言淺穢平一上書曰比來妖伎胡人街童市子或言妃主情貌或列王公名質歌詠舞蹈號曰合生始自王公稍及閭巷是合生之原起自唐中宗時也今人謂之唱題目

俳優

列女傳曰夏桀既棄禮義而求倡優侏儒而竒偉之戲其事已見於夏后之末世晉獻公時有優施魯定公會齊侯于夾谷齊宮中有俳優戲於前此蓋優戲之始也

院本雜劇

一名合生其事始於唐中宗而梨園之樂則始於唐玄宗

都盧

漢時有都盧巴俞角觝之戲西域傳云巴俞二州名都盧乃戲妓之名觝輕善緣高有跟挂腹旋之名

舞輪

通典曰梁有舞輪之伎今之舞車輪者則是此戲自
梁始也

高絙

通典梁有高絙之技即今之走索也按古今藝術云
後漢時賀正旦以大繩繫兩柱相去數丈使兩伎女
舞行繩上相逢比肩不墜今之走軟索當自漢始非
自梁始也

蝶戲

唐明皇春時宴於宮中使嬪妃各插艷花帝親捉粉

蝶放之隨蝶所止幸馬惟楊妃專寵不復此戲

水戲

通典曰魏明帝時使博士馬鈞作水轉百戲有巨獸魚龍曼延弄馬列騎脩如漢西京故事今世皆傳其法蓋起自馬鈞也今時走馬燈鰲山即此遺事

紙鳶

古傳韓信所作漢高祖征陳稀信謀從中起乃作紙鳶放之以量未央宮之遠近欲穿地入宮中蓋昔傳如此理或然也炬按白帖云五代漢李業興隱帝為紙鳶於宮門外放之今春時小兒放紙鷂是也

攤錢

後漢梁冀有意錢蹴鞠之戲即今之攤錢也

生花

今京城有生花種植以戲者按前漢張騫傳漢武帝破車師大宛以梨軒眩人獻之顏師古注曰眩與幻同即今之吞刀履炭種瓜植花屠人戮馬之術各色鑿弄之戲今俗呼為障眼法自漢武帝時大宛所獻眩人始也

嗔拳

江淮之俗有嗔拳笑面諸戲大抵村夫所制不知其

所作何謂也按荆楚歲時記有諺語云臘鼓鳴春草
生村人並擊細腰鼓戴胡公頭及作金剛力士以逐
邪今南方為此戲者必帶假面如胡人狀作勇力之
勢謂之嗔拳則知其為荆楚之故俗矣

鬪百草

宗懔荆楚歲時記五月五日競採百葉謂百草以蠲
除毒氣後世效之春時乃有鬪百草之戲

藏鉤

京師入臘日後為藏鉤之戲分二曹鬪勝負李白詩
云更怜花月下宮女笑藏鉤

催花擊鼓猜拳

東臯雜記曰催花擊鼓及猜拳事俱始見於唐時詩
曰城頭催鼓傳花板廊上搏拳握松子

泥菩薩

孟嘗君欲入秦蘇代止之曰臣來淄上見桃梗謂土
偶曰子西岸之土也挺子以為人洛雨下淄水至則
汝殘矣孟嘗君曰不然子東園之桃梗耳刻削為人
洛雨下淄水至則子漂而去今秦若虎口而君入之
臣不知君所出矣孟嘗君乃止出戰國策又按卽氏
錄云古時蓋塑一法楊惠之見吳道子畫筆已工乃

去學塑古今補第一

泥車

今小兒初學行或以竹木為小推車是也後潛夫論曰今人作瓦狗泥車諸般戲弄之具以巧詐小兒亦無益矣按泥車始於漢

射木兔戲

燕北雜記云三月三日以木為兔分兩邊朋射之負者跪勝者酒

打彈

藝文類聚曰古者人死無棺槨死則以白茅裹之授

於郊野孝子不忍為鳥獸所食作彈以守之自三皇
時始

杵歌

左傳曰襄公十七年十一月宋皇國父為平公築臺
妨農功子罕請俟農畢公弗許築者謳曰澤門之哲
實與我役邑中之黔實慰我心杜預注曰周十一月
今九月澤門宋城門宋國父哲居近澤門子罕黑色
而居邑中今版築役夫歌以應杵此蓋其始也其歌
往往叙苦樂之意者由此耳呂氏春秋云翟煎對魏
惠王曰舉大木者前唱輿樗後亦應之此舉重勸力

之歌也今人舉重出力者一人倡則為號頭衆皆和之曰打號此蓋其始也七國之時已云然矣輿樞淮南子道應訓作和許

打麦麥

唐書武元衡之將遇害也京師童謠曰打麦三三三今俗兒戲有鼓掌打麦作打麦声後必三拍手蓋原此也

反腰

梁羊侃妾孫荆玉能反腰貼地街席上之珍

筋斗

教坊記云漢武帝時一小兒翻筋斗絕倫能緣長竿倒立今時謂之篤义子

跳走

後魏楊大眼驍捷跳走如飛以長繩三丈許繫髻而走繩直如矢馬馳不及出李旼見聞錄

篤义子

漢時謂之逆行連倒即古時跋行驚食之技晉咸康中侍郎顧臻曰此戲乃末代之樂設禮外之觀逆行連倒足以蹈天頭以履地反天地之順傷彝倫之大者即此陳時有擲倒獼猴幢之流

拔河

今小兒兩頭搜索而對輓之力強者牽弱者而仆則以為勝負此唐時清明節拔河之戲也當時君臣亦以此為樂出金波遺事

角觝

今小兒兩手據地以頭相觸作牛鬪狀即漢武帝角觝之戲也或曰戰國時之戲兩兩相當角力角技秦二世作角觝俳優之觀後魏道武帝詔脩角觝百戲是也或曰本六國之戲而漢武復用之或曰黃帝時蚩尤有角以角觝人而後人作角觝之戲而宋時冀

州有蚩尤之戲其民兩兩戴牛角相觝按白居易六帖曰角觝之戲漢武始作

潑寒胡戲

唐中宗登御接觀潑寒胡戲今不知何戲按張說傳中宗時四夷來朝為潑寒胡之戲張悅奏云裸躄跽足汨泥挿水何觀焉

走馬

江北佳人多能騎馬今走驃婦人雙乘落解謂之雙飛燕李太白詩云自有兩少妾雙乘駿馬行東坡詞云細馬遠駝雙侍女是唐時亦有走馬之戲矣

遊水

列子曰習於水勇於涸史記曰吳人善涸涸者浮行水上也越世家習流二千人水滸傳有張順夜伏金山寺素善涸水人稱浪裏白跳

百舌人

今人謀諸夷之語者有人能為百鳥語者其音酷相似可謂之百舌人矣

鬪牛

鬪

成都記曰李冰為蜀郡太守有蛟暴入水戮之已而為牛形約曰江神亦必牛形白帶者我也須臾有二

牛鬪武士射其神斃蜀不復患水然鬪牛之戲今世或有之自秦世始之也

戲場

戲

通典曰隋煬帝大業二年突厥染干來朝帝欲夸之追四方散樂大集東都自是每歲正月萬國來朝留至十五日于端門外列為戲場百官綵棚夾道從昏達旦以縱觀之宋朝至上元開端門起山樓露臺棘園列鈞容教坊樂及綵棚夾道令都人縱觀

百戲

漢元帝纂要曰百戲起於秦漢曼衍之戲後乃有高

組吞刀履火尋撞等戲一名都盧尋撞山名其人善緣竿百戲

禽戲

鳥有臘嘴畫眉之戲獸有猢猻狗馬之戲虫有螻蛄蝦蟇烏龜之戲其事未遠蓋宸濠在江西倡亂招集奸徒後敗而流落逃食山林故也若蝟戲則始於唐時三國時華佗曉養性之術名五禽之戲躰有不快起作五禽之戲出李翰蒙求五禽者虎鹿熊猿鳥也

猴戲

按樂記云優雜子女注云舞者如猴詩云毋教猱升

木陸機云獼猴也一曰母猴一曰猢猻詩疏曰獼獨
猴也楚人謂之沐猴今娼婦謂之獼兒者蓋獼乃禽
獸也古人有沐猴鬪狗之戲少府檀長卿能為沐猴
舞唐昭時有弄猴者隨班起居賜緋號孫供奉

弄蛇

西京賦云水人弄蛇注云水人俚兒也能禁錮弄蛇
其事始於漢時

放爆仗鄉談

神異經云西方山中有小人長尺餘名曰山臊人見
之則病寒熱往來今名瘡疾俗呼打鼓病古人以竹

置火中燒之竹爆有煇爍之聲山臊聞聲則驚走今
除夜放爆竹以代爆竹此其遺事

掛鍾馗

唐明皇晝寢夢一小鬼盜上玉笛吹之上叱之鬼曰
臣虛耗也上怒欲呼武士見一大鬼頂破帽著藍袍
束角帶徑捉小鬼先剗其目啖之上問為誰對曰臣
乃中南進士鍾馗也因應舉不捷觸階而死奉旨賜
綠袍而葬誓除天下虛耗妖孽言訖夢覺乃召吳道
子圖之上賞其神妙今人畫其形像以辟邪乃其遺
事

畫鷄

拾遺記云堯時祗及國獻重明鳥形似雞或一月數來或數歲一來國人掃門戶以待或刻金寶為其形像置於門上則邪鬼畏服今人畫雞帖門上乃其遺事

畫虎頭書灋字

酉陽雜俎云時俗於門上畫虎頭書灋字者何也謂陰府鬼神之名可以消瘡癘也祛讎逐疫立桃人蒼耳虎頭皆漢時事張續宣室志裴漸隱居伊上有道士李君曰當今除鬼無過漸耳是時朝士咸書灋字

於門上乃其遺事

帶鬼臉臉

漢時季冬先臘一日大儺選中黃子第十歲以上十二以下衣赤幘皂衣以逐惡鬼於禁中出後漢禮樂志周時鄉人儺逐疫披熊皮玄衣朱裳執戈揚盾以祛室中疫鬼今時小兒帶鬼臉跳舞乃周漢時之遺事

事物原始卷二十二終

事物原始卷之三終

新鐫古今事物原始全書卷之二十三

明臨安徐炬明夫著

仁和張栢仲明校

稻 麦 稻 麥

東郡稻曾生九穗漁陽麦見秀雙岐

物理論曰稻者灌溉之總名漢光武時有嘉禾一莖
九穗廣雅云来小麦也粦大麦也来通作秣粦通作
牟詩云貽我來牟漢張堪為漁陽守百姓歌曰麦穗
兩岐

秣 粦 粦 粦

好飲但云多種秫愛粳固請廣栽秫
按米之黏者曰秫一曰糯陶淵明為彭澤令示公田
悉令種秫其妻固請種粳乃使二百五十畝種秫五
十畝種粳詳見宋書按世說云孔群好飲與親舊書
曰今年得七百斛黍秫可了麴蘖事矣秫者粳也

早禾 首着 首

早禾種自占城出首着苗從大宛來

唐真宗聞占城稻耐旱遣使以珍貨求其種播植後
苑即今之尖頭黃粳米宋朝會要曰大中祥符五年
遣使至福建取占城稻三萬斛分給江淮兩浙漢武

帝使張騫至大宛得首霜種以歸植離宮極茂今陝西其多以餅牛馬嫩時人兼食之其味甘淡故詩云朝日上團團照見先生盤盤中何所有首霜長闌干李白詩云天馬常啣首霜花

稭稗 彫胡

莫嫌稭稗烏如添謾道彫胡黑似雲按稭稗似苦但其莖有毛北人呼為烏禾有二種一黃白一紫黑今人不甚重惟祠事用之農家種之以防五穀之不熟孟子曰五穀不熟不如稭稗按禮記云彫胡即今之茭白也一名蓴必中有黑點者名烏

鬱杜詩云波瓢菰米沉雲黑自有一種米莢

麥 麴 粦 麥

如拳如莢西番麥五穗單莖東郡麴

西番有麥舊名番麥亦曾進貢故名御麥其幹葉類
稭其莢如拳而大其鬚如絨而紅其粒如莢而瑩白
花開於頂實結於節乃異種也齊孟鄴守東郡有仁
政麥一莖五穗

巨粒香珠 長腰粳米

巨粒香珠稱異稻長腰粳米號金甌

摩揭它国出異稻巨粒號曰供大人米即今江南之

香珠稻也隋煬帝曰江南有長腰粳米縮頭鰕魚號曰金齏玉膾

稌 廩

飯如白玉山陽稌子似青葵河內廩

按稌即稷也稌為五穀之長呂氏春秋曰餼之美者山陽之稌按廩稻屬也其子似葵青色并涼間有之河西人語曰貸我東廩償尔田梁

嘉禾 來麥

青皇攝政嘉禾植赤帝司權來麥枯

嘉禾穀也不旺而生故至月播種金旺而死故八月

漸收來麥小麦也說文云麥主於金故八月播種死於火故月令四月爰秋至東方青帝句芒司春南方赤帝祝融司火

菽 禾

隕霜殺菽知時變時而滋禾稔歲豐

格物論云菽大豆也詩云七月烹葵及菽左傳云隕霜殺菽夫菽最難殺者殺菽知草皆死也菽之小者名蘆又曰蘆者菽之葉也子路食蘆負米

蕎麥 豆梁 蕎 梁

中秋無月少蕎麥九十多晴有豆梁

蕎麥白露前下種青枝綠葉紅梗白花結黑子磨
麵占書云中秋無月蕎麥不實兔不孕蚌不胎東方
曰七人八穀九豆十粟是日晴則是物盛謂之青梁
黃梁白梁皆粟類青梁穀穗有毛黃梁大毛長殼

五穀總要

穀總

朱子曰五穀者稻黍稷麥菽鄭氏曰麻黍稷麥豆六
穀者稻黍稷粱麥菽九穀者稷秫黍稻麻大小豆大
小麥是也黍者其苗如蘆而異於粟其粒亦大於粟
其糝米於粟米相似而粒殊大有二種粘者為秫可
以釀酒不粘者為黍可食如稻之有粳糯耳又有所

謂八穀者按詩云黍稷稻粱禾麻菽麥即八種也禾之秀實曰秬後種先熟曰秔詩云黍稷薿是也米之不粘者曰秔種之曰秬歛之曰秬孔子曰良農能稼而不能為穡黍之黑者曰秬曰秔詩云維秬維秔按穀梁傳曰一穀不升曰歉二曰饑三曰饉四曰康五曰大侵禾粟之穗生而不成謂之不稂不莠

金線菜 水晶葱

江浙最多金線菜吉州曾見水晶葱

金線菜即今之金線白頭菜也俗云金線白頭腦裏生油吉州有水晶葱一種樓角葱其苗有八角一種

夏枯菰至夏即枯

瓠音

導又作莛瓠

蜀郡詩人偏厭瓠吳中墨客獨思導

按瓠即葫蘆也詩云幡幡瓠葉采之烹之一名木瓜
按詩云齒如瓠犀則瓠是葫蘆為當又按蕭琛得漢
書於瓠蘆中則瓠當為葫蘆益明是木瓜不能藏漢
書也漢劉昆教授子弟以素淨瓠葉為茹坡詩云厭
伴老儒烹瓠葉按導水葵也浮水上莖甚淡三月至
八月細如釵股名懸葵九月至十月漸粗在泥中者
名曰龜葵春末夏初有莖未葉名雉導一名茹詩云

言采其茹張翰吳人愛蓴而思之也

苽菹

胡麻

苽菹

冷館稀羹供苽菹仙家香飯進胡麻

苽菹本胡種漢張騫使西域得其種以歸興荀勗並
植離宮極茂李白詩云天馬嘗銜苽菹花詩云朝日
上團圓照見先生盤盤中何所有苽菹長闌干飯蔬
匙難進羹稀飭易寬只可謀朝夕何由保歲寒按胡
麻一名巨勝蘇恭曰八稜者名巨勝四稜六稜者曰
胡麻廣雅謂之狗虱八穀中最為大勝故名巨勝劉
阮入天台山仙女進胡麻飯孫綽天台賦云胡麻飯

山羊脯勸君飽食心莫苦胡麻即今之芝麻漢武帝時張騫使西域至大宛得其種植于中國故向名胡麻石勒之時諱言胡字改曰芝麻

茶 薺 椒 薑本作蘘 薺

誰言茶若井如薺盡道椒辛辣勝薑

茶者若菜也又蓼屬詩云誰謂茶若其井如薺按薺冬至春開白花一名井草其草先生則歲豐按椒外夷來者曰胡產蜀地者曰川越地產者名欖名為三香了

恭菜 藜荷

多栽菘菜夏朝食廣種襄荷冬月藏

按菘黯菜似升麻蒸食之大香美苗高三四尺莖如
藿蒻有細稜夏盛冬枯按襄荷荊襄江湖間多種之
春初生苗似甘蕉根似薑而肥堪為殖荊楚歲時記
仲冬以鹽藏襄荷以備冬儲

薑 巢

呂氏獨稱雲夢薑東坡專美蜀鄉巢

按薑似蒿而香呂氏春秋曰菜之美者雲夢之薑按
巢一名漂搖草一名野蚕東坡曰菜之美者吾鄉之
巢

波稜 大蒜 波稜又作菠稜

波稜種自頗能出大蒜苗從大宛來

劉公嘉話錄波稜菜乃西域僧將其子來中國常綯云其種乃頗能固出後人訛呼為波稜也今方言云波菜通志云漢張騫帶來又按唐會要曰尼婆羅國獻波稜菜按大蒜亦張騫大宛得來

薑本 楚葵 薑本作豐

禮儀自古崇薑本祠事從來用楚葵

禮記謂韭曰薑本呂氏春秋曰堯時天降精為韭七月詩云七月獻糝祭韭按楚葵即倭呼為水芹菜一

名水莢葉似芎蒭花白色而無實大祭亦用芹

合歡菜 牛尾蒿 款

番禺遺落合歡菜漢世流來牛尾蒿

番禺有菜四葉相對夜合晝開名曰合歡漢高帝兒時牧牛田野與群童戲殺牛以烹之埋其尾偽報其家云牛忽陷地家人共引之其皮骨愈深入於地後其處生蒿作牛尾形故名之

諸葛菜 苻公鬚 苻又作蒼鬚本作須

蜀地菜名諸葛菜池州苻喚苻公鬚

劉禹錫嘉話曰諸葛孔明出師處必令軍士種此菜

故名諸葛菜此菜有五美初出可生啖葉大可煮食
久居隨以滋長其根甘美堪以充饒猶可消食化氣
多食無厭此五美也常綯曰取其纔出可生啖一也
葉舒可煮食二也久居隨以滋長三也棄去不惜四
也回則易尋而採五也冬則有根可剥食六也此蔬
其利甚博三蜀江陵人呼蔓菁為諸葛菜劉禹錫曰
諸葛菜與蘆菔相似詩谷風曰采葍采菲禮坊記云
葍蔓菁也爾雅云突蘆肥釋名曰紫花菰似燕菁之
大根倍呼為雹莢一名蘆菔今訛呼為蘿蔔韻府亦
云蔓菁即蘿蔔一名土酥杜詩云金城土酥潤如玉

黃山谷云雪白蘆菹喫來自是甜底玉花葉蔓菁非蔓菁喫來自是甜底冰若如劉禹錫所言諸葛菜與蘆菹相似則諸葛與蘆菹是二物矣若如谷風所言葍者即蔓菁也蜀人呼蔓菁為諸葛菜則三名是一物也若如爾雅所言紫花菰即蘆菹訛呼為蘿蔔韻府云蔓菁即蘿蔔然則葍也蔓菁也諸葛菜也蘆菹也蘿蔔也五名而一物矣今並錄以俟識者正之

菰菜

歲歉若食燕地菰饑時須采北山來
菰惡菜也俗名老鴉蒜昔生於燕地今隨處有之幽

州謂之燕菹古歲可以禦饑按萊即黎也一名落帚
初生葉可食大則為樹可為杖詩云北山有萊是也

狗蚤

胡荽

荽

狗蚤蘇恭更巨勝胡荽石勒改香荽

狗蚤即油麻也蘇恭更名巨勝博物志云張騫使大
宛得胡荽種以歸鄴中記曰石勒改胡荽為香荽今
呼為塩荽葱韭蒜薤塩荽謂之五葷

瓠薇

保名僻地還食瓠重義南山但采薇

瓠葫蘆也唐柳玭家戒云先君弟兄夕餐瓠而已

皆保重名按薇似蕨而差大有芒而味若夷齊首陽山食之詩云陟彼南山言采其薇

、莧 蕨

莧同鰲食愁生鰲蕨若生食慮化蛇

莧有六種曰人莧馬莧赤莧白莧五色莧今時惟五色莧稀有易曰馬齒莧感陰氣之多者本草云莧鰲不可同食食則生鰲有人以莧菜裹鰲甲以土覆之一宿變為鰲按蕨初生如小兒拳展開如鳳尾齊魯呼為鰲初其根吳中為粉其粉黑色可以充饑搜神記云有人拆一枝食之心中怏怏成疾後吐一小蛇

懸於屋前漸乾成蕨遂知此物不可生食

落蘇 菰菜

落蘇盡道新羅出菰菜原來北土稀

落蘇茄也其先出於新羅國隋煬帝名曰崑崙紫瓜
茄樹開花耿葉布於行路以灰圍之則多生子按菰
菜與蕪菁相似梗長葉不光者為蕪菁大根名為蘆
菰短梗葉潤厚而肥痺者為菰不生北土或將其子
種於北土初一年半為蕪菁二年菰子俱絕

彫胡 蘭香

彫胡烏薺皆名蔣羅勒蘭香一種蔬

按禮記注彫胡一名蔣俗名茭白心中有黑點者名烏薺杜詩云波瓢菰米沉雲黑乃飯茭也按蘭香菜郭璞云葉似葵而花如槿醫家謂之冬葵子本名羅勒石勒以為犯已名改名蘭香

懸葵 紅芥

紫蘇葉紫梗猶紫紅芥根紅葉亦紅

紫蘇葉梗俱紫其氣甚香爾雅謂之桂荑背面皆紫為上嚴州一種紅芥根葉俱紅

土瓜 水藻

齊楚土瓜皆喚菲江東水藻不稱蘋

按土瓜一名蓄莖莖麤葉重而長有毛齊楚之間謂之菲詩云采葍采菲詩註又謂之蔓菁按藻有二種其一葉如鷄蘇莖大如箸長四五尺其一大如釵股葉似蓬蒿詩云薄菜其藻是也詩註云蘋水上浮萍也江東人謂之藻

藥 黎 雇 莫 遂 費 我 莘

葵藜虛莫皆成咏
遂蓄我華
盡載詩

按葵有數種一種龍葵近處亦少北方有之謂之砒

葵葉圓花白實如牛李子生青熟黑其蓴菜一名懸

葵一名電葵其片菜一名楚葵詩云七月烹葵及菽

按藜一名萊詩云北山有萊按藜香草也一云菽之
小者可作蔬詩云食我場藜按莫陸稅云莖菜也大
如箸一節三葉如柳厚而長有毛刺味酸而滑謂
之酸迷子如猪實而紅詩云言采其莫按遂即馬尾
草也亦可作蔬詩云言采其遂按賣即水芻菜也詩
云言采其藟按藟者蒿屬科生田澤中三月莖可食
似藟蒿或云即藜也始生曰莢詩云青者莢按莖
爾雅云藟蒿也葉香白色莖似箸而輕服始生者香
可生食蒸熟為蔬香美鹿亦食之詩云呦呦鹿鳴食
野之苹